

आकाशवाणी

1. विदेश मंत्री सुब्रह्मण्यम जयशंकर ते सूचना ते प्रसारण मंत्री अश्विनी वैष्णव होरें विश्व ऑडियो विजुअल एंड एंटरटेनमेंट समिट - वेक्स 2025 सोयां पैहले नमी दिल्ली च अज्ज इक कार्यक्रम च हिस्सा लैता।
2. वाणिज्य ते उद्योग मंत्री पीयूष गोयल होरें कंटेंट क्रिएटर्स गी देश दा डिजिटल एम्बेसडर दस्सेआ ऐ।
3. केन्द्रीय गृह मंत्री अमित शाह होरें आक्खेआ ऐ जे भारत च दुनिया दा दुआ लम्मा शिडक नेटवर्क ते त्रिया सब्बनें थ्वा बड्डा मेट्रो नेटवर्क ऐ।
4. भारतीय अंतरिक्ष अनुसंधान संगठन इसरो नै स्पेस डॉकिंग एक्सपेरिमेंट मिशन तैहत दो उपग्रहें गी बक्ख करने दी प्रक्रिया सफलतापूर्वक पूरी करी लैती ऐ।
5. विशेष ओलंपिक विश्व शीतकालीन खेल दे दूऐ दिन भारत नै दो सुन्ने दे, दो चांदी दे ते इक कैह दे तगमें सनें कुल 5 पदक अपने नां कीते।

<><><><><><>

Waves Delhi

विदेश मंत्री सुब्रह्मण्यम जयशंकर ते सूचना ते प्रसारण मंत्री अश्विनी वैष्णव विश्व ऑडियो विजुअल एंड एंटरटेनमेंट समिट - वेक्स 2025 सोयां पैहले नमी दिल्ली च अज्ज इक कार्यक्रम च हिस्सा लैता। कार्यक्रम च सूचना ते प्रसारण राज्य मंत्री एल. मुरुगन ते महाराष्ट्र दे मुख्यमंत्री देवेन्द्र फडणवीस बी मौजूद हे। कार्यक्रम दा मकसद वैश्विक समुदाय तकर पुज्ज बनाना ऐ। कार्यक्रम च सौ सोयं मते राजदूत ते उच्चायुक्त हिस्सा लै र दे न। इस मौके पर श्री वैष्णव होरें आक्खेआ जे दुनिया दे तेजी कन्नै बदलने कन्नै गै दृश्य, श्रव्य ते मनोरंजन दा स्वरूप भी बदला र दा ऐ। उने आक्खेआ जे प्रधानमंत्री नरेन्द्र मोदी मोदी होरें कंटेंट क्रिएटर्स आस्तै इक मंच दा सुझा दिता ऐ। वेक्स शिखर सम्मेलन दा पैहला संस्करण पैहली मई सोयां 4 मई तकर मुंबई च आयोजित होग।

<><><><><><>

Goyal Digital Creators

वाणिज्य ते उद्योग मंत्री पीयूष गोयल होरें कंटेंट क्रिएटर्स गी देश दा डिजिटल एम्बेसडर दस्सेआ ऐ। नमी दिल्ली च अज्ज इक कार्यक्रम च श्री गोयल होरें आक्खेआ जे जिम्मेदार कंटेंट, नमी कहानी, कौशल विकास ते भारतीय रचनात्मकता दा निर्यात रचनात्मक उद्योग दे चार प्रमुख पहलू न। उने देशे दे रचनात्मक क्षेत्र च मौजूद बेशुमार मौके पर जोर दिन्दे होई आक्खेआ जे एह उद्योग पैहले सोयां गै कैई अरब डॉलर दा क्षेत्र बनी चुके दा ऐ। उने आक्खेआ ऐ जे एह उद्योग देश भर च बडी मती गिनतरी च लोके गी रोजगार दिता ऐ। श्री गोयल होरें लोके दे विचारें ते प्रौद्योगिकियें गी विकसित करने च सहायता करने च सरकार दी भूमिका गी दोहराया। उने रचनात्मकता, दृश्य-श्रव्य कला ते सामग्री उत्पादन दे क्षेत्र च अंतर्राष्ट्रीय समुदाय कन्नै देश दी बददी भागीदारी पर भी लौह पाई।

<><><><><><>

PB Shabd

प्रसार भारती-प्रसारण ते प्रसार आस्तै साझा दृश्य-श्रव्य-पीबी शब्द सेवाएं इस महीने इक वरा पूरा करी लैता ऐ। इस सेवा गी इक बरे आस्तै होर बदाई दिता गेआ ऐ। प्रसार भारती नै आक्खेआ ऐ जे शब्द दा निशुल्क उपयोग मार्च 2026 तकर जारी रहौंग। इसदे कन्नै मीडिया संगठनें, खास तौर पर लौहके संगठनें गी बडा मता लाह हासल होग। सूचना ते प्रसारण मंत्रालय नै आक्खेआ ऐ जे शब्द कश इक हजार 5 सौ थ्वा मते रिपोर्टर, संवाददाता ते स्ट्रिंगर्स दा मजबूत नेटवर्क ऐ। इसी व्यापक कवरेज प्रदान करने आस्तै 24 घंटे कम्म करने आहले 60 समर्पित संपादन डेस्क दा सहयोग हासिल हुन्दा ऐ। मंत्रालय नै आक्खेआ जे पूरे देशे दे समाचार पोर्टल शब्द रांए दूरदर्शन ते आकाशवाणी दे भरोसेमंद भंडार दा उपयोग करी सकदे न। शब्द पर कृषि, प्रौद्योगिकी, विदेशी मामले ते राजनीतिक सनें 50 होर मती समाचार श्रेणियें गी कवर करने आहले इक हजार सोयां मते समाचार हर रोज सारी प्रमुख भारतीय भाषाएं च पेश कीते जन्दे न।

<><><><><><>

RBI

रिजर्व बैंक नै अकाउंट एग्गिगेटर इकोसिस्टम दी दिक्ख रिक्ख आस्तै इक स्व-नियामक दे चयन आस्तै आवेदन सद्दी भेटे न। बैंक आस्सेआ जारी इक परिपत्र मूजब, इच्छुक आवेदक 15 जून, 2025 तकर प्रवाह पोर्टल दे माध्यम कन्ने अपना आवेदन जमा करी सकदे न। बैंक नै आक्खेआ जे आवेदन निर्धारित प्रारूप च होना चाईदा। मान्यता देने बारे च कोई भी निर्णय आवेदन अवधि दौरान हासिल सारे पात्र आवेदनें पर विचार करने मगरा लैता जाग। इस मामले च रिजर्व बैंक दा फैसला अखीरी होग।

<><><><><><>

Sports Age

युवा मामले ते खेड मंत्रालय नै खेडे च उमरी सरबंधी धोखाधड़ी खिलाफ राष्ट्रीय संहिता 2025 दे मसौदे पर लोकें ते सरबंधी धडें थ्वा प्रतिक्रिया मंगी ऐ। इसदा मसकद आयु धोखाधड़ी गी घट्ट करना, असल एथलीटें दी रक्षा करना । ऐह उमरी सरबंधी रिकॉर्ड च हेराफेरी करने दे दोषी पाए जाने आहले एथलीट, कोच ते अधिकारियें पर सखत दंड लागू करौंग। इसदी प्रमुख विशेषताएं च असल उमरी दी तस्दीक ते डिजिटल लॉकिंग, इक समर्पित राष्ट्रीय डेटाबेस, क्यूआर-सक्षम आईडी कार्ड ते उमर सरबंधी विसंगतियें आस्तै चिकित्सा परीक्षा वगैरा शामिल ऐ। सरबंधी धडें ते लोग 31 मार्च तकर section.sp3-moyas@gov.in पर सुझा देई सकदे न।

<><><><><><>

Amit Shah Development

केन्द्रीय गृहमंत्री अमित शाह होंरें अज्ज अपने लोकसभा क्षेत्र गुजरात दे गांधीनगर च 146 करोड़ रुपे दी बक्ख बक्ख विकास परियोजनाएं दा वर्चुअल माध्यम कन्नै उद्घाटन कीता ते केंईए दा नीह पत्थर रखेआ। एह परियोजना रेलवे, सड़क मार्ग ते सेहत सेवा कन्नै संबंधित न। श्री शाह होंरें गुजरात च परिवर्तनकारी विकास दा उल्लेख करदे होई आक्खेआ जे राज्य नै परिवहन ते ऊर्जा क्षेत्र च महत्वपूर्ण प्रगति कीती ऐ। उने साणंद च 5 सौ बिस्तरें आहले अस्पताल ते गांधीनगर च इक नमा सिविल अस्पताल कायम करने दी बी धोषणा कीती।

<><><><><><>

ISRO

भारतीय अंतरिक्ष अनुसंधान संगठन इसरो नै स्पेस डॉकिंग एक्सपेरिमेंट मिशन तैहत दो उपग्रहें गी बक्ख करने दी प्रक्रिया सफलतापूर्वक पूरी करी लैती ऐ। अंतरिक्ष दे क्षेत्र च एह देश दी इक महत्वपूर्ण उपलब्धि ऐ। केंद्रीय विज्ञान ते प्रौद्योगिकी मंत्री जितेंद्र सिंह होंरें वैज्ञानिकें गी इस सफलता आस्तै बधाई दिती ऐ। अपने सोशल मीडिया पोस्ट पर उने आक्खेआ जे एह सफलता भारतीय अंतरिक्ष स्टेशन, चंद्रयान-4 ते गगनयान सनै भविष्य दी महत्वाकांक्षी योजनाएं दे सुचारू संचालन दी बत पदरी करौग।

<><><><><><>

Space X Postponed

स्पेसएक्स नै रॉकेट दे लॉन्चपैड च अखीरी समें च आई दी तकनीकी खराबी करी अंतराष्ट्री अंतरिक्ष केन्द्र-आईएसएस लेई तय डुआरी अगड़ी पाई दिती ऐ। इस अभियान दा मकसद आईएसएस च चार होर अंतरिक्ष यात्रियें गी भेजना हा तांजे अमरीकी अंतरिक्ष यात्री बुच विल्मोर ते सुनीता विलियम्स दी लम्मे समें थमां बाकी रौहदी बापसी गी जकीनी बनाया जाई सकै। मूल रूप कन्नै ऑर्बिटिंग स्टेशन पर 8एं दिनें तगर रूकने दी योजना बनाई गई ही, पर बोइंग दे खराब होई गेदे स्टारलाइनर पर अपनी यात्रा दे बाद दौनें यात्री 9-वें म्हीनें थमां अंतरिक्ष च फंसे दे न। अधिकारियें हूनै तगर प्रक्षेपण दी नमीं तरीक दा ऐलान नेई कीता ऐ। यात्रियें दी वापसी च चिर दे बावजूद, अमरीकी अंतरिक्ष एजेंसी-नासा नै भरोसा जताया ऐ जे दौनें अंतरिक्ष यात्री सुरक्षित न।

<><><><><><>

Srilanka India

श्रीलंका सरकार दे इक अनुरोध दे जवाब च, भारत नै देश दे अस्पतालें च फौरी कमी गी दूर करने च मदद आस्तै फ़्यूरोसेमाइड इंजेक्शन दे 50 हजार एम्पुल उपहार च दिते। एह खेप अज्ज भारतीय उच्चायुक्त संतोष झा हुन्दे आस्सेआ श्रीलंका दे सेहत ते मास मीडिया मंत्रीहोंरें गी सौंपी गई। भारत नै संकट दौरान चिकित्सा सहायता प्रदान करदे होई श्रीलंका दे सेहत सेवा क्षेत्र दा लगातार समर्थन कीता ऐ।

<><><><><><>

Yoga day

21 जून गी मनाए जाने आहले अंतरराष्ट्रीय योग दिवस आस्तै हुन छडे सौ दिन बाकी रेई गए न। इसदी तैयारिये दे सिलसिले च केंद्रीय आयुष मंत्री प्रतापराव जाधव होरे अज्ज नमी दिल्ली च योग महोत्सव-2025 दा उद्घाटन कीता। इस मौके पर उने आक्खेआ जे अगले सौ दिने दौरान देशे दे बक्ख बक्ख हिस्से च दस महत्वपूर्ण कार्यक्रम आयोजित कीते जाडन। इस दौरान बक्ख बक्ख थैहरे पर योग दे कार्यक्रम होंडन। योग इक दिन करने कन्ने किश नेई हुन्दा ते नां गै सोचना लोडचदा जे इक दिन कन्ने किश होग हर दिन लोके गी योग करना चाईदा श्री जाधव होरे आक्खेआ जे इने कार्यक्रमें तैहत 10 भागीदार देशे दे कन्ने योग आदान-प्रदान कार्यक्रम योग बंधन दा आयोजन कीता जाग।

<><><><><><>

Arhar-Precurement

आंध्र प्रदेश, गुजरात, कर्नाटक, महाराष्ट्र ते तेलंगाना च अरहर दी खरीद च तेजी आई ऐ। कृषि मंत्रालय मूजब, इने राज्ये च कुल इक लक्ख 31 हजार मीट्रिक टन अरहर दी खरीद कीती गेई ऐ। इसदे कन्ने नवासी हजार सोयां मते करसाने गी लाह होआ ऐ। मंत्रालय नै आक्खेआ ऐ जे सरकार अरहर, उड़द ते मसूर घट्टोघट्ट समर्थन मूल्य पर खरीदने आस्तै प्रतिबद्ध ऐ। होरने राज्ये च भी अरहर दी खरीद तौले गै शुरु होई जाग।

<><><><><><>

Olympics

विशेष ओलंपिक विश्व शीतकालीन खेल दे दूऐ दिन भारत नै दो सुन्ने दे, दो चांदी दे ते इक केँह दे तगमें सने कुल 5 पदक अपने नां कीते। स्नोबोर्डिंग च भारती (डिवीजन एफ25) नै नोविस स्लैलम फाइनल च सुन्ने दा तगमा जितेआ। हर्षिता ठाकुर (डिवीजन एफ26) नै इस्से मुकाबले च केँ दा तगमा जितेआ। अल्पाइन स्कीइंग च निर्मला देवी (डिवीजन एफ06) नै सुन्ने दा तगमा ते राधा देवी (डिवीजन एफ01) नै इंटरमीडिएट जायंट स्लैलम फाइनल च चांदी दा तगमा हासिल कीता ऐ। अभिषेक कुमार (डिवीजन एम02) नै नोविस जायंट स्लैलम फाइनल च चांदी दा तगमा हासिल कीता। भारतीय टीम नै हुने तगर कुल नौ तगमे जिते न।

<><><><><><>

WPL

महिला प्रीमियर लीग क्रिकेट च अज्ज मुंबई इंडियन्स दा मकाबला गुजरात जायंट्स कन्ने होग। मैच मुंबई च संजा साढ़े 7 बजे शुरु होग। दिल्ली कैपिटल्स नै पैहले गै फाइनल च अपनी थाह पक्की करी लैती ऐ। प्रतियोगिता च मुंबई दूई ते गुजरात जायंट्स त्रीह थाह पर न।

<><><><><><>

CM-Tourism

जम्मू-कश्मीर सरकारै अज्ज आखेआ ऐ जे सैलसफा, जम्मू-कश्मीर दी अर्थबवस्था दा इक महत्वपूर्ण अंग ऐ ते एह प्रदेश दे सकल घरेलू उत्पाद ते रोजगार पैदा करने च बड़ा मता जोगदान देआ करदा ऐ। एह खेत्तर, प्रदेश च प्रतक्ख ते अप्रतक्ख ढंगगै'नै केई लोकें गी रोजगार देआ करदा ऐ। एह जानकारी मुखमंत्रि ओमर अब्दुल्ला होरें विधानसभा च इक सोआलै दे परते च सांझी कीती। उ'नें आखेआ जे प्रदेश च सैलसफा दिएं बक्ख-बक्ख किस्में जि'आं रोमांच आहले सैलसफा, गोल्फ सैलसफा, पर्यावरण सरबंधी सैलसफा, धार्मिक सैलसफा ते सांस्कृतिक ते विरासती सैलसफा गी बढ़ावा देने दे मकसद कन्नै केई जतन कीते जा'रदे न। ओमर होरें दस्सेआ जे सरकार आसेआ गुरेज़, केरन, बंगस, तोशामैदान, अहरबल, दुध पत्थरी, मचेल, भद्रवाह, सुकराला माता ते पंचैरी ज्नेई थाहें गी सदाबहार सैलानी थाहें दे तौर उप्पर विकसित करने बक्खी चेचा ध्यान दिता जा करदा ऐ।

<><><><><><>

Industrial-Estate

सरकारै अज्ज एह साफ कीता ऐ जे कोई बी औद्योगिक खेत्तर जिसी इंडस्ट्रीयल एस्टेट आखेआ जंदा ऐ, गी विकसित करने लेई जिमी मैहकमा माल आसेआ उद्योग ते बपार मैहकमे दु सुपुर्द कीती जंदा ऐ ते मैहकमा उद्योग गै उसी तयशुदा नियमें ते प्रक्रियाएं दी बिनाह पर अपना उद्योग धंधा शुरू करने आहले उद्यमिं गी अग्गे अलाट करदा ऐ, एह जानकारी मुखमंत्रि उमर अब्दुल्ला होरें अज्ज मीर सैफउल्लाह हुंदे आसेआ बक्ख-बक्ख फर्म, कंपनीं ते लोकें गी पिछले 2 बरें दौरान जम्मू-कश्मीर च अलाट कीती गेदिं जिमिं दे बारे च पुच्छे गेदे इक जिमनी सोआल दा परता दिंदे होई सांझी कीती। एहदे शा पैहले मंत्री सकीना इत्तू होरें मुखमंत्रि जिंदे कश मैहकमा माल दी जिम्मेवारी बी ऐ, उंदी तरफा सोआलै दा जवाब दिंदे होई सदन गी भरोसा दोआया जे बक्ख-बक्ख थाहरें अलाट कीती गेदियां जिमियां, पालसी प्रावधानें ते नियमें दी पूरी चाल्ली पालमा करदे होई गै दितियां गेदियां न।

<><><><><><>

LA-Handicrafts

जम्मू-कश्मीर सरकारै आखेआ ऐ जे पाइंडर-नागसेनी हलके च मुकामी दस्तकारी खासतौर उप्पर पाशमीना ते होरनें पारंपरिक दस्तकारिं गी बढ़ावा देने लेई सरबंधत विभाग आसेआ केई योजनाएं गी अमल च आंदा जा करदा ऐ। सुनील कुमार शर्मा हुंदे आसेआ विधानसभा च पुच्छे गेदे इक सोआलै दे जोआब च उद्योग मंत्री होरें एह जानकारी सांझी कीती। उ'नें दस्सेआ जे किश्तवाड़ जिले च 10 मंजूरशुदा केन्द्रें दे राहें बक्ख-बक्ख दस्तकारिं दी सिखलाई दिती जा करदी ऐ ते बुनाई आहले शोबे च तकरीबन 80 नौजवानें गी सिखलाई दिती गेदी ऐ। उ'नें दस्सेआ जे पिछले त्रै ब'रें दरान पाइंडर-नागसेनी हलके थमां 27 मामलें गी प्रायोजित कीता गेआ ऐ।

<><><><><><>

